



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XI. De plus petitionibus.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

poni ut quæstionem præjudicialem vel ut causam principalem? Resp. multum referre: priori enim casu causa principalis suspenditur, & sola quæstio per reum proposita elucidatur, posteriori casu autem distinguendum erit, vel enim causa principalis obicitur a reo per modum exceptionis, & tunc semper prius cognoscenda est, *cap. 3 b. t.* idq; ex ratione naturali, cum prius audiri debeat reus, quam pro actore pronuntietur; vel obicitur per modum reconventionis, & tunc ut supra dictum utraq; causa simul tractanda erit.

TITULUS XI.

De

plus petitionibus.

QUÆRES I. Quot modis plus peti possit? Resp. quatuor modis plus peti posse, scilicet re, tempore, loco, & causâ, *cap. vii. b. t. & §. plus autem Institut. de action, Re*, sive quantitate actor plus petit, si in libello 10. v. g. florenos petat, cum non nisi quinque aut minor summa eidem debeatur; *tempore*, cum id quod certo die, vel sub certâ conditione promissum est, ante tempus, vel nondum impletâ conditione exigit, *loco*, dum id quod certo loco v. g. moguntia debetur, Augustæ sibi dari petit, sine mentione loci, in quem solutio collata erat. Causâ denique plus petit actor quando electionem adversario competentem sibi arrogat, quod tunc fit, quando aliquid in genere vel alternativè debetur, v. g. equus vel duodecim aurei, & actor hunc numero equum, vel duo-

decim aureos absolute præreptâ adversario suo electione, vel alternativâ petit.

QUÆRES 2. Quæ sit plus petentium pœna? Resp. eorum pœna olim erat, ut qui uno ex hismodis 4. plus petiisset, causâ caderet §. si quis *agens Instit. de action.* jure autem novo rigor ille excepto casu, qui habetur *l. odiosas Cod. b. t.* temperatus est, à Zenone, & Justiniano quorum constitutione jure etiam Canonico receptâ, plus tempore petens, impensas litis reo solvere, aut duplicationem temporis ad solvendum præfixi, pati debet *l. 1. § 2. Cod. b. t.* plus loco petens condemnatur ad interesse sive ad resarcitionem damni, quod debitor incurrit, ex eo, quod alio loco debitum exactum fuerit; plus re petens, si id malitiosè faciat, causâ cadit. *l. vlt. Cod. de plus. petition.*

OBIICTIES 1. Fiscus plus tempore petens in judicio totum debitum amittit. *l. iustas Cod. de jure fisci.* ergo & alii privati actores si plus tempore petierint, similiter causâ cadent; consequenter falsa est superior conclusio. Resp. lex allegata non loquitur de fisco ante tempus agente, sed de fisco qui post completam actionis præscriptionem eandem actionem in judicio intendebat. sicut enim actiones privatis personis competentes, legitimo tempore præscribuntur *l. cum notissimi. Cod. de præscript. 40.* ita & actiones fiscale *l. 13 ff. de divers. & tempor. præscript. l. 1. § præscript. off. de jure fisci.*

OBIICTIES 2. legatarius integrum legatum petens, cum propter legem falcidiam integrum non debeat, plus re petit, & tamen causâ non cadit. *l. 78 ff. de legat.* ergo adhuc falsa est superior conclusio. Respond. juris antiqui dispositio eo

locum habebat, quo petebatur res omninò indē-
bita, secus si ex parte deberetur, ut in casu *l. cit.*

TITULUS XII.

De

Causâ possessionis & proprietatis.

QUÆRES I. Quid sit possessio? Resp. pos-
sessio à pedum positione dicta, est *appre-*
hensio vel potius detentio rei corporalis corporis
& animi ac juris adminiculo, animo eam sibi habendi.
dicitur 1. detentio, quia possessio apprehensione in-
choetur, detentione continuatur; quæ detentio
potest esse vera vel ficta, cum possessio pluribus
casibus acquiri possit nullâ reali apprehensione
interveniente, per actum qui ex dispositione juris,
reali apprehensioni æquiparetur, v.g. per tradi-
tionem clavium in conspectu horrei &c. dicitur 2.
rei corporalis, mobilis sive immobilis, quia res in-
corporales sive jura v.g. jus patronatus propriè
non possideri, sed quasi possideri dicuntur, licet
teste Covarru. hodie passim, nomen possessionis
rebus etiam incorporalibus tribuatur dicitur 3. cor-
poris & animi adminiculo, quia ad acquirendam
possessionem non sufficit rem solo corpore appre-
hendere, aliàs quidquid pedibus conculcaretur,
possideri diceretur; neque etiam solo animo,
quia aliàs partes mundi nondum captas possideret,
qui eas suas esse vellet. l. & ff. de acquirenda posses.
dicitur 4. adminiculo juris non quod ad possessionem

P 3.

requi-